



Akcija SIPA u Doboju i Tesliću

UHAPSENI NEKADASNJI PRIPADNICI "MIĆE"


Među uhapšenima i nekadašnji šef policije dobojske regije i svjedok odbrane Miće Stanišića

Nekoliko desetina pripadnika Agencije za istrage i zaštitu BiH (SIPA) jučer su u jutarnjim satima, po nalogu Tužilaštva BiH, na području Doboja i Teslića uhapsili Andriju Bjeloševića (1954), Milana Savića (1952), Dušana Kuzmanovića (1955), Predraga Markočevića (1957), Marinka Đukića (1964), Miroslava Pijunovića (1956), Dragana Marijanovića (1971), Daria Slavuljicu (1973), Sašu Gavranovića (1966), Predraga Subotića (1972), Vitomira Devića (1967) i Zorana Šljuka (1957).

U Tužilaštvu BiH navode da se osumnjičeni terete za krivično

djelo ratni zločin počinjen 1992. godine, nad žrtvama bošnjačke i hrvatske nacionalnosti. Bjelošević i ostali se, navode u Tužilaštvu, terete da su na području Doboja i Teslića počinili ratni zločin i zločin protiv čovječnosti prema Krivičnom zakonu BiH, "u kojima je ubijeno najmanje 40 žrtava, izvršen progon, prisilno preseljenje i nezakonito zatočenje više stotina osoba, kao i pljačkanje i razaranje imovine žrtava bošnjačke i hrvatske nacionalnosti".

- Među uhapšenim osobama se nalaze i nekadašnji visoki dužnosnici policijskih struktura, kao i pripadnici oružane for-



Bjelošević se pojavio kao svjedok u Haagu

macije "Miće", koji su osumnjičeni za zločine na području Teslića i okoline. Radi se o predmetu kategorije 2, odnosno predmetu u kojem je istraga započeta u tužilaštvu Haškog tribunala, nakon čega je predmet ustupljen pravosuđu BiH, rečeno nam je u državnom Tužilaštvu, gdje ističu da će nakon saslušanja postupajući tužitelj odlučiti kojim osumnjičenima će biti predložen pritvor, a kojima mjere zabrane.

Inače, Bjelošević je, kao nekadašnji šef policije dobojske regije, javnosti poznat i kao svjedok na suđenju bivšim čelnicima policije bosanskih Srba u Haškom tribunalu. Bjelošević je tada svjedočio na poziv odbrane Miće Stanišića, bivšeg ministra policije bosanskih Srba, koji se sa Stojanom Župljaninom tereti za zločine nad Hrvatima i muslimanima počinjene 1992. širom BiH. Stanišić je osuđen na 22 godine zatvora. **A. B. Č.**